

玉機辨症



痰飲

因陳無擇云人之有痰飲者由榮衛不清氣血濁敗凝結而成也內則七情汨亂臟氣不行鬱而生涎涎結為飲為內所因外則六淫侵冒玄府不通當汗不泄蓄而為飲為外所因或飲食過傷色慾無度運動失宜津液不行聚為痰飲傷不內外因其為病也為喘為咳為嘔為泄

子和云入大腸則為瀉

為眩暈嘈煩忪悸煩

慢寒熱疼痛腫滿癰痺瘰癧閉痞膈如風如癩木有不
由痰飲所致 用誠曰痰乃積飲所化故原病式列
於太陰濕土之條又子和有風痰熱痰濕痰酒痰食

痰之說蓋一出於濕而所挾所因有五者之異王隱
君云論痰有五曰風痰寒痰熱痰氣痰味痰味痰者
因飲食酒醪厚味而然也氣痰者因事逆意而然也
熱痰者因飲食辛辣炙博重稠厚服而然也寒痰者
因冒寒涼而然也風痰者因感風而發或風熱怫鬱
而然也此皆素挾痰氣因風寒氣熱味而作非別有
此五種之痰也愚謂治法當以痰為本以所挾之氣
為標也 又曰痰病之原有因熱而生痰者亦有因
痰而生熱者有因風寒暑濕而得者有因驚而得者
有因氣而得者有因酒飲而得者有因食積而得者

有脾虛不能運化而生者

痰飲

要畧云四飲者懸飲留飲支飲痰飲是也其人

素盛今瘦水走腸間漼漼有聲謂之痰飲飲後水流
在脇下欬唾引痛謂之懸飲飲水留於四肢當汗出
而不汗身體重痛謂之溢飲欬逆倚息短氣不得卧
形如腫謂之支飲又有留飲者背寒如手大或短氣
而渴四肢歷節疼痛脇下痛引缺盆欬則轉甚又有
伏飲者膈滿嘔吐喘欬發則寒熱腰背痛目泪出具
人振振惡寒身瞤惕 王隱君云痰證古今未詳或
頭風眩目運耳鳴或口眼蠕動眉稜耳論俱癢或痛

輪



或四肢游風腫硬而似疼非疼或為齒頰癢痛牙齦
浮而痛癢不一或噫氣吞酸心下嘈雜或痛或噦或
咽嗝不利咯之不出噦之不下其痰似墨有如破絮
桃膠蜆肉之狀或心下如停冰鐵心氣冷痛或夢寐
奇怪之狀或足腕酸軟腰腎骨節卒痛或四肢筋骨
疼痛似難名狀並無常處以致於手麻臂疼狀若風
濕一云或脊上每日一條如線之寒起者或渾身習
習如卧芒刺者一云或眼粘濕癢口糜舌爛喉痺
等證或遠項結核狀若瘰癧或胸腹間如有二氣交
紐噎塞煩悶有如烟火上衝頭面烘熱或為失志顛

者

狂或中風癰瘕或勞瘵荏苒之疾或風毒脚氣或心
下怔忡如畏人捕或喘嗽嘔吐或嘔冷涎綠水黑汁
甚為肺癰腸毒便膿擊跛蓋內外為病百般皆痰
所致其狀不同難以盡述蓋津液既凝為痰不復周
潤三焦故口燥咽乾大便秘結面如枯骨毛髮焦槁
婦人則因此月水不通若能逐去敗痰然後看虛實
調理自然服餌有效 又云痰清白者為寒黃而濁
為熱殊不知始則清白久則黃濁清白稀薄積於
上黃濁稠粘凝於下嗽而易出者清而白也咳而不
能出則黃濁結滯者也若咳唾日久濕熱所鬱上下



苦

曰

凝結皆無清白者也甚至帶血血敗則黑痰為關格
異病人所不識又清白者氣味淡日久者漸成惡味
酸辣腥臊焦若不一脈經云病人一臂不遂時復
移在臂其脈沉細非風也必有痰在上焦活人
書云中脘有痰亦令人憎寒發熱惡風自汗胸脇痞
滿有類傷寒但頭不痛項不强為異

誤治
變證

子和日今之用方者例以飲為寒積皆用溫熱
之劑以補之燥之水濕未除反增心火况留飲無補
法氣方補則轉增豈知內經所謂留者攻之也丹
溪曰夫氣之初病也其端甚微或因飲食不謹或外

汗

觸風雨寒暑或內感七情或食味過厚偏助陽氣蘊
為膈熱或資稟充實表寒無汗津液不行清濁相干
氣為之病或痞或痛或不思食或噎腐氣或吞酸或
嘈雜或膨滿不求病原便認為寒遽以辛香燥熱之
劑投之數帖時暫得快以為神方厚味仍前不節七
情又復相仍舊病被劫暫開濁液易於攢聚或半月
或一月前證復作如此延蔓自氣成積自積成痰
此為痰為飲為吞酸之由也良工未遇謬藥又行痰挾
瘀血遂成窠囊此為痞為痛為嘔以為噎膈反胃之
次第也飲食湯液滯泥不行滲道塞滯大便或秘或



澹下失傳化中焦愈停醫者不察猶執為冷燥熱久
服可以溫脾壯胃消積行氣以冀一旦豁然之效不
思胃為水穀之海多血多氣脾為消化之氣器清和
則健而運行不息今久得香熱之味偏助氣血沸騰
其始也胃液凝聚其久也脾氣耗散傳化漸遲醫者
又曰虛而積寒非尋常草木可療徑以烏附助佐丹
劑專意服之積而久也血液俱耗胃脘乾槁遂成膈
噎亦曰反胃 用誠曰按此論嘔吐痞滿噫腐吞酸
噎膈反胃致病之由皆以氣之初病誤服燥熱結為
痰飲所致故列於痰飲門中而於彼諸證內不詳載

宜於此通考焉

痰飲治法

丹溪曰仲景論飲有六分別五臟諸證在表者

汗之在裏者下之滯者導之鬱者揚之熱者清之寒者溫之偏熱偏寒者反佐而行之挾濕者淡以滲之挾虛者補而養之治法至矣徐用誠曰王隱君論人之諸疾悉出於痰此發前人所未論製滾痰丸一方總治斯疾固為簡便較之仲景三因有表裏內外而分汗下溫利之法則疎濶矣熱痰則多煩熱風痰多成癰瘰奇證冷痰多成骨痺濕痰多成倦怠軟弱驚痰多成心痛顛疾飲痰多成脇痛臂痛食積痰多成

寒

癖塊痞滿其為病狀種種難名王隱居論中頗為詳
盡學者當察其病形脈證則知所挾之邪隨其表裏
下虛實以治也若夫子和謂飲無補法必當去水故
用吐汗下之三法治人常愈又論熱藥治痰之誤因
為精切亦有挾寒挾虛之證不可不論夫久痰凝結
膠固不通狀若寒凝不用溫藥引導必有拒格之患
況有風寒外束痰氣內鬱者不用溫散亦何以開鬱
行滯也又有血氣虧乏之人痰客中焦閉塞清道以
致四肢百骸發為諸病理宜導去痰滯必當補接兼
行又難拘於子和之三法也大凡病久淹延卒不便

死者多因食積痰飲所致何以然蓋胃氣亦賴痰積
所養飲食雖少胃氣卒不便虛故也亦有治痰用峻
利過多則脾氣愈虛津液不運痰反生而愈盛法
當補脾胃清中氣則痰自然運下此乃治本之法世
謂醫中之王道者正此類也 嚴氏云人之氣道貴
乎順順則津液流通決無痰飲之患古方治飲用汗
下溫利之法愚見不若以順氣為先分導次之氣順
則津液流通痰飲運下自小便中出矣 用誠曰按
嚴氏以人之上情鬱結氣滯生涎聚為痰飲治者能
使氣道通利則痰自降下也然有病人元有痰積其



氣因痰而結滯者豈但理氣而痰能自行耶必先逐去痰結則滯氣自行豈可專主一說

脈要畧云脈雙弦者寒也皆大下後善虛脈偏弦者飲也又云脈浮而細滑者傷飲脈沉而弦者懸飲內痛其人短氣四肢歷節痛脈沉者有留飲陳無擇云飲脈皆弦微沉滑或云左右關脈大者膈上有痰也可吐之病人百藥不效關上脈伏而大者痰也眼皮及眼下如灰烟黑者痰也

解表之劑

仲景大青龍湯

小青龍湯並治溢飲者當發

其汗

二方並見傷寒門

用誠曰按二方太陽經發散風寒

之藥辛溫之劑也小青龍用乾薑細辛半夏以治水
氣蓋傷寒表未解心下有水飲水寒相搏乃為喘咳
諸證故用此發汗散水金匱要畧借為治飲之方也
三因參蘇飲治痰積停積胸膈中脘閉嘔逆痰涎眩
暈嘈煩或痛頭發熱狀如傷寒
方見
局方用誠曰按此
出少陽柴胡例藥治感冒異氣扶痰飲之病本方云
前胡葛根但能解肌枳殼橘紅輩自能寬中快膈毋
以性涼為疑愚觀藥性非涼亦是辛平之劑
局方金沸草散治風化痰除頭項強寒熱咳嗽

旋覆花

荆芥

前胡

麻黃

去節各
一兩

甘草炙



赤芍藥

半夏

製各三錢

治人金沸草散去麻黃赤

芍加茯苓細辛

薑棗煎

用誠曰按此出陽明旋

覆花代赭石例解利治痰之藥也局方氣味辛平活

人則辛溫

攻下金匱十棗湯治懸飲內痛

芫花

甘遂

大戟

各等分

搗篩以水一升半

煮大棗十枚至八合去渣內藥味強人一錢羸人半

錢平旦服之不下更加半錢快下後以糜粥自養

用誠曰按此出少陰水氣例藥芫花之辛以散飲二

物之苦以泄水甘遂直達水氣所結也處乃泄水之



聖藥性有毒不可輕用下同

三因控涎丹凡人忽患胸背手足頸項腰胯隱痛不
忍筋骨牽引鈞痛時時走易不定乃是痰涎在心膈
上下變為此疾或手足冷痺氣脈不通誤認癱瘓非
也

甘遂

心去

紫大戟

皮去

真白芥子

各等分

為末糊

丸桐子大晒乾食後臨卧淡薑湯或熟水下五七丸
至十丸痰猛加丸數一方妙應丸亦只上三味驚
痰加硃砂痛者加全蝎酒痰加雄黃全蝎驚氣成塊
者加川山甲鱉甲玄胡索蓬朮臂痺加木鱉子去油

桂枝熱痰加盆硝寒痰加丁香胡椒官桂

宣明三花神佑丸

十棗湯加牽牛大黃輕粉

詳見下劑

用誠曰按以上三方仍十棗湯加減法也並出少陰

水氣例前方去芫花加白芥子本草主上氣發汗胸

膈痰冷蓋胸有痰非此不達此方加牽牛大黃大瀉

血氣之濕熱而輕粉又去涎積也虛家不可輕用

子和云神佑丸新得之痰服之氣流飲去而愈

金匱厚朴大黃湯治支飲脇滿者

厚朴

大一

大黃

兩六

枳實

枚四

水煮溫服

用誠曰按此即承氣湯陽明可下例藥也